

山谷詩注

內集  
別集  
外集

一  
〇



# 山谷詩外集補卷四

答龍門潘秀才見寄

熙寧四年  
葉縣作

男兒四十未全老，便入林泉真自豪。  
明月清風非俗物，輕裘肥馬謝兒曹。  
山中是處有黃菊，洛下誰家無白鵞。  
想得秋來常日醉，伊川清淺石樓高。

寄張仲謀次韻

風力蕭蕭吹短衣，茅簷霜日淡暉暉。  
天寒塞北鴈行落，歲晚大梁書信稀。  
湖稻初舂雲子白，家雞正有藁頭肥。  
割鮮炊黍庾前約，公事可來君不違。

客自潭府來稱明因寺僧作靜照堂求予作

客從潭府渡河梁，籍甚傳誇靜照堂。  
正苦窮年對塵土，坐令合眼夢湖湘。  
市門曉日魚鰕白，隣舍秋風橘柚黃。  
去馬來舟爭歲月，老僧元不下胡床。

雜詩七首

熙寧四年  
葉縣作

此身天地一蘆盧，世事消磨綠鬢疎。  
畢竟幾人真得鹿，不知終日夢爲魚。

其二

鶯巢燕燕幾時休。在處成家春復秋。歲歲自來還自去。主人無厭客無求。

其三

館甥宮裏歎才難。當日同朝聽百官。光武早知堯舜事。只今那得子陵灘。

其四

少年不愛萬金身。歌舞尋春愁送春。滿眼紛華心寂寞。長安市上酒家人。

其五

薰爐茶鼎偶然同。晴日鴉啼柿葉風。萬事盡還麴居士。百年常在大槐宮。

其六

古屋清寒雪未消。小窗晴日展芭蕉。酸甘荔子嘗春酒。更碾新芽薦菊苗。

其七

碧窗涼簟唯便睡。露井無塵蔭綠槐。夢入醉鄉猶病渴。轆轤聲到枕邊來。

分齋本云。按管注。載第六首。公有異議云。比見師川錄。示諸賢和南塔題壁詩。甚愧老拙歎。我在前也。歸隱計草中。有一篇與壁題異。不知壁間字是拙筆否。今錄主邪老。刮去手寫此篇。薰爐茶鼎暫時同。寒日鴉啼柿葉風。萬事須還麴居士。百年只在槐安宮。而第八

首元載第六卷題作武  
陵今詳錄之以備觀覽

飲韓三家醉後始知夜雨

醉臥人家久未曾。偶然樽俎對青燈。兵廚欲罄浮蛆甕。饋婦初供醒酒冰。

子嘗醉後。字水晶。曾爲醒酒冰。酒冰。酒徒皆以爲知言。

只見眼前

人似月。豈知簾外雨如繩。浮雲不負青春色。未覺新詩減杜陵。

張仲謨許送河鯉未至戲督以詩

浮蛆瑛瑛動春醅。張仲臨津許鱸材。鹽豉欲催蓴菜熟。霜鱗未貫柳條來。日晴魚網應曾罄。風軟河冰必暫開。莫誤曉窗占食指。仍須持取報章回。

和答張仲謨泛舟之詩

雲容天影水中搖。分坐船舷似小橋。聯句敏於山吐月。舉觴疾甚海吞潮。興來活樹牛心熟。醉罷紅鱸鴨腳焦。公子翩翩得真意。馬蹄塵裏有嘉招。

食瓜有感

暑軒無物洗煩蒸。百果凡材得我憎。蘇井筠籠浸蒼玉。金盤碧筍薦寒冰。田中誰問不納履。坐上適來何處蠅。此理一盃分付與。我思明哲在東陵。

道中寄公壽

熙寧五年自  
葉赴北京作

坡地羸馬莫雲昏。苦憶兔園高帝孫。子舍芝蘭皆可佩。後房桃李總能言。鞦韆門巷火新改。桑柘田園春向分。病酒相如在行役。梁王誰與共清樽。

行邁雜篇六首

簇簇深紅間淺紅。苦才多思是春風。千村萬落花相照。盡日經行錦繡中。

其二

白白紅紅相間開。三三五五踏青來。戲隨胡蝶不知遠。驚見行人笑卻回。

其三

村落人家桃李枝。無言氣味亦依依。可憐憔悴蓬蒿底。蜂蝶不知春又歸。

其四

杏村桃塢春三月。少有人家不出遊。一顧雖無傾國色。千金肯爲使君留。

其五

滿院青楊吐白綿。未多柳絮解漫天。野人豈會斷優劣。只問牀頭沽酒錢。

其六

十日狂風桃柳休。常因酒盡覺春愁。泰山爲肉釀滄海。料得人間無白頭。

去賢齋

熙寧四年

葉縣作

爭名朝市魚千里。觀道詩書豹一斑。末俗風波尤浩渺。古人簾陛要躋攀。螭螭怒臂當車轍。鸚鵡能言著

粹老家隔簾聽琵琶

元豐二年  
北京作

馬卿勸客且無喧。請以侍兒臨酒樽。縱罷黃昏簾隔面。曲終清夜月當軒。一作一曲明妃愁夜月。數聲啄木響春山。借一韻。 玆玆不亂撥來往。字字如聞人語言。千古胡沙埋妙手。一作實。 豈如桃李在中園。

江南

元豐元年  
北京作

夢寂江南未得歸。清波鷓鴣子上鉤。肥五年身屬宮倉米。輸與漁人坐釣磯。

道中寄景珍兼簡庾元鎮

熙寧五年  
北京作

傳語濠州賢刺史。隔年詩債幾時還。因循樽俎疎相見。弃擲光陰只等閒。心在青雲故人處。身行紅雨亂花間。遙知別後多狂醉。惱殺江南庾子山。

次韻景珍醖醢

莫惜金錢買玉英。擔頭春光過清明。天香國豔不著意。詩社酒徒空得名。及此一時須痛飲。已拚三日作狂醒。濠州園裏都開盡。腸斷蕭蕭雨打聲。

呈馬粹老范德孺

元豐二年  
北京作

願上相。迨杏始青。爾來瓜瓞有新耕。四時爲歲已中半。萬物得秋將老成。日永清風搖塵尾。夜闌飛雹落碁枰。兩廳未覺過從數。政以頑疎累友生。

謝張仲謀端午送巧作

熙寧四年  
葉縣作

君家玉女從小兒。聞道如今畫不成。翦裁似借天工手。查草石榴偏眼明。

送張子列茶

齋餘一碗是常珍。味觸色香當幾塵。借問深禪長不臥。何如官路醉眠人。

三月壬申。同堯民希孝觀淨名寺經藏。得宏明集中沈烟同庚肩吾諸人游明慶寺詩。次韻奉呈二

公。就烏道三層塔。菴固一重堂。副鳥逐猷。狎獸繞禪床。摘菊山無。

酒然松夜有香。幸得聞高勝於此。靈□王。元豐二年北京作。

祕藏開新譯。天花雨舊堂。證經多寶塔。寢疾淨名牀。鳥語雜歌頌。蛛絲凝篆香。

凝一作疑。

同游得是李。談道過

何王。

按此詩題下小字俱係舊本。

其中似有舛訛。未敢妄易。

雨過至城西蘇家。

元祐元年  
秘書書作。

飄然一雨洒青春。九陌淨無車馬塵。漸散紫煙籠帝闕。稍回晴日麗天津。花飛衣袖紅香濕。柳拂鞍羈綠色勻。管領風光唯痛飲。都城誰是得閒人。

謝仲謀示新詩。

熙寧四年  
葉縣作。

爾我新詩許指瑕。令人失喜更驚嗟。清於夷則初秋律。美似芙蓉八月花。采菲直須論下體。鍊金猶欲去寒沙。唐朝韓老誇張籍。定有雲孫作世家。

十月十五早飯清都觀道遙堂



心遊魏闕魚千里，夢覺邯鄲黍一炊。蔬食菜羹吾亦飽，逍遙堂下葉辭枝。

紅蕉洞獨宿

熙寧三年

葉顛作

南牀高臥讀逍遙，眞感生來不易銷。枕落夢魂飛蚊蝶，燈殘風雨送芭蕉。永懷玉樹埋塵土，何異蒙鳩掛草蓍。衣笮絛臺蛛結網，可憐無以永今朝。

分簡本云：按管注，此詩別本多有不同。其詩云：重簾覆幕夜蕭蕭，眞感生懷不自聊。枕落夢魂飛蚊蝶，燈殘風雨碎芭蕉。瓊枝玉樹埋塵土，衣笮絛臺蛛結網。故物能回白首斯，人無以永今朝。

春雪呈張仲謀

熙寧四年

葉顛作

莫雪霏霏若撒鹽，須知千隴麥纖纖。夢闌半枕聽飄瓦，曉起高堂看入簾。剩與月明分夜砌，卽成春溜滴晴簷。萬金一醉張公子，莫道街頭酒價添。

和答劉太博攜家遊廬山見寄

元豐三年

大和道中作

緩轡松陰不起塵，嵐光經雨一番新。遙知數夜尋山宿，便是全家避世人。落日已迷烟際路，飛花還報洞中春。可憐不更尋源入，若見劉郎想問秦。

次韻伯氏戲贈韓正翁菊花開時家有美酒

熙寧四年  
葉縣作

鬢髮斑斑然潘騎省腰圍瘦盡沈東陽茶甌屢煮龍山白酒椀希逢若下黃鳥角巾邊簪鈿朶紅銀盃面凍糖霜會須著意憐時物看取年華不久芳

答李康文

元豐二年  
北京作

才甫經年斷來往逢君軍馬慰秋思幽蘭被逕聞風早薄霧乘空見月遲每接雍容端自喜交無早晚在相知深慙借問談經地敢屈康成入絳幃

送彭南陽

南陽令尹振華鑪三月春風困柳條攜手河梁愁欲別離魂芳草不勝招壺觴調笑平民訟賓客風流醉舞腰若見賢如武侯者爲言來仕聖明朝

送邵慎思歸長沙

熙寧四年  
葉縣作

邵侯過我解新鞵潦倒猶能似舊時西邑初除折腰尉南陵常詠采蘭詩姓名已入飛龍榜書信新傳喜鵲知何日家庭供一笑綠衣便是老萊衣

從時中乞蒲團

元豐五年  
大和作

織蒲投我最宜寒。正欲陰風雪作團。方竹火爐趺坐穩。何如矍鑠跨征鞍。

分當本云。按此詩一題二首。前篇載外集。首句云。撲屋陰風雪。作團後篇即此本。是一首而句法改換不同。今仍其舊分編。

戲答諸君追和予去年醉碧桃

當時倒著接羅回。不但碧桃邀我來。白蟻撥醅官酒滿。紫綿揉色海棠開。

雪後登南禪茅亭簡張仲謀二首

熙寧四年  
葉縣作

雪後憑高望洛都。萬峯遮眼白模糊。相將閨苑樓臺上。展盡山陰水墨圖。

其二

風入村墟搖酒旆。雲埋行徑罷樵蘇。狐裘年少宜追獵。正有飢鷹待一呼。

景珍太博見示舊倡和蒲萄詩因而次韻

熙寧五年北京  
作景珍名合韻

映日圓光萬顆餘。如觀寶藏隔蝦須。夜愁風起飄星去。曉喜天晴綴露珠。宮女揀枝模錦繡。論

一作  
師持

味比醜醜。欲收百斛供春釀。放出聲名壓酪奴。

喜念四念八至京

元豐八年都下改官作念四即非  
熊念八諱仲堪字覺民公從弟

朔雪蕭蕭映薄幃。夢回空覺淚痕稀。驚聞庭樹鳥爲樂。知我江湖鴻鴈歸。拂榻喜開姜季被。上堂先着老萊衣。酒樽煙火長相近。酬勸從今更不遲。

次韻伯氏寄贈蓋郎中喜學老杜詩

元豐二年  
北京作

老杜文章擅一家。國風純正不欹斜。帝關悠遠開關鍵。虎穴深沈樣爪牙。千古是非存史筆。百年忠義寄江花。潛知有意升堂室。獨抱遺編校舛差。

蓋郎中惠詩有二強攻一老不戰而勝之嘲次韻解之

詩翁琢句玉無瑕。淡墨稀行秋鴈斜。讀罷清風生隱几。吟餘新月度簷牙。自知拙學無師匠。要且強言遮眼花。筆力有餘先示怯。真成句踐勝夫差。

和呂秘丞

元豐二年  
北京作

北海樽中忘日月。南山霧裏晦文章。清朝不上九卿列。白髮歸來三徑荒。車轍馬蹄疎市井。花光竹影照門牆。人間榮辱無來路。萬頃風煙一草堂。

雜詩四首

元豐二年

北京作

扁舟江上未歸身。明月清風作四鄰。觀化悟來俱是妄。漸疎人事與天親。

其二

佛子身歸樂園遙。至人神會碧天寥。劫灰沈盡還生妄。但向平沙看海潮。

其三

小德有爲因有累。至神無用故無功。須知廣大精微處。不在存亡得失中。

其四

黃帝煉丹求子母。神農嘗藥辨君臣。如何苦思形中事。憂患從來爲有身。

次韻子高卽事

熙寧八年

北京作

詩禮不忘它日問。文章未覺古人疎。青雲自致屠龍學。白首同歸種樹書。綠葉青陰啼鳥下。游絲飛絮落花餘。無因常得杯中物。願作鸕夷載鷁車。

次韻寄藍六在廣陵

崇寧二年白  
鄂赴宜州作

聖學相期滄海頭。當時各倚富春秋。班揚文字初無意。滕薛功名自不優。焦尾朱絃非衆聽。南山白石使人愁。傳聲爲向揚州問。相憶猶能把酒不。

再和寄藍六

南極一星淮上老。承家令子氣橫秋。萬端只要稱心耳。五鼎何如委吏優。海燕催歸人作社。江花欲動雨含愁。追思二十年前會。棠棣飄零歎鄂不。鄂不。一作款白頭。頃賊廉叔詣兄游。今皆凋落。星華按頃賊二字當有誤。原本如是。故仍之。

戲書效樂天

熙寧四年  
葉縣作

造物生成嵇叔爛。好人容縱接輿狂。烏飛魚泳隨高下。蟻集蜂衙聽典常。母惜此兒長道路。兄嗟子弟困冰霜。酒壺自是華胥國。一醉從他四大忙。

余成詩

井序。熙寧  
四年葉縣作

役者余成。忠信不二。執鄙事八年。未嘗見其過。其畏得而好德。畏不善而慎罰。躬行而心安樂。問其部伍。蓋自其少時至於今。行年六十矣。猶一日也。察其私持廉甚。謹而遠名。吾嘗與僚友論其

人雖古之學問士大夫。木強而厚於德。如第五公胡威。未能遠過也。此其人豈子夏所謂。雖曰未學。吾必謂之學矣者乎。吾貧不能脫其役。與之同歸江湖之上。作詩以識愧。

丹籍生涯無列鼎。白頭忠信可專城。自非車騎將軍勢。愧使王巨常作兵。

分雷本云。按原注。晉王巨爲兵大將軍。幕府。洛中名士。王澄。胡毋輔之。皆與巨交。將軍聞之。因與巨表。假遂得離兵。巨字季孫。

寄張仲謀

熙寧四年  
葉縣作

好在張公子。清秋應苦吟。衣穿慈母線。囊罄旅人金。早晚辭天闕。歸來慰陸沈。黃花一樽酒。期與爾同斟。

次韻春遊別說道二首

熙寧三年  
葉縣作

愁眼看春色。城西醉夢中。柳分榆莢翠。桃上竹梢紅。燕濕社翁雨。鶯啼花信風。別離感貧賤。股子正書空。

其二

青春倚江閣。萬象客愁中。江水不勝綠。簷花無賴紅。欹斜半簾日。留滯一帆風。攜手離筵上。清樽不易空。

講武臺南有感

元豐二年  
北京作

月明猶在搭衣竿。曉踏臺南路。屈盤騶子雨中先馬去。村童煙外倚牆看。鴉啼宰木秋風急。鷺立漁船野水乾。花似去年堪折贈。插花人去淚闌干。

孫不忍索飲九日

二字一作有

酒已盡戲答一篇

照舊四年葉縣作

滿眼黃花慰索貧。可憐風物逐時新。范丹出後塵生釜。郭泰歸來雨墊巾。偶有清樽供壽母。遂無餘瀝及他人。年豐酒債應須賤。爲子明年作好春。

辱粹道兄弟寄書久不作報以長句謝不敏

病癯無堪吾懶書。交親情分豈能疎。深慚煙際兩鴻鴈。遣我罾中雙鯉魚。故國青山長極眼。今年白髮不勝梳。幾時得計休官去。筍葉裹茶同趁虛。

和知命招晁道夫叔姪

元豐五年太和作

過我諸公子。寂寥非世娛。茶須親碾試。酒可倩行沽。日永烏皮几。窗寒竹火爐。不來尋翰墨。僮僕解吳歎。再次韻戲贈道夫

名教自樂地。思君相與娛。囊錐見末疾。橫玉待時沽。雨歇鳴鳩樹。董鎗睡鴨爐。不來應夢起。子學□歎歎。

秋思



椎牛作社酒新筩。扶老將兒嬉隴頭。木落人家見雞犬。曉寒溪口在汀洲。無功可佩水蒼玉。卒歲空思狐白裘。身到楚僮非屈宋。顧慙疎懶作悲秋。

希仲招飲李都尉北園

元豐二年  
北京作

曉踏驕驢傍古牆。北園同繫紫游韉。主人情厚杯無算。別館春深日正長。楊柳陰斜移坐晚。酸醞花暗染衣香。夜深恐觸金吾禁。走馬天街趁夕陽。

過西山

新春木葉未蒙籠。西望天涯幾日通。商洛山間白雲起。行歌思見採芝翁。  
夜聞鄰舟崔家兒歌

重答

半夜聞歌客寢驚。空餘縹緲渡江聲。湘妃舞罷波紋冷。月欲銜山天未明。  
莫怪東牆擲果頻。沈郎眉宇正青春。自言多病腰圍減。依舊瓊林照映人。

鴻溝

此詩止子產廟。乃和李秀才四絕  
句山谷晚年獨取楊朴墓一首。

英雄並世不相容。割據山川計亦窮。溝水已東全入漢。淮陰誰復議元功。